



REPUBLIKA E KOSOVËS  
REPUBLIKA KOSOVA - REPUBLIC OF KOSOVA

KOMISIONI I PAVARUR I MEDIAVE  
NEZAVISNA KOMISIJA ZA MEDIJE  
INDEPENDENT MEDIA COMMISSION



“ADVAN TECH” SH.P.K.


Numri i biznesit - 810173229

Pronar – Bashkim HAJRA & Oltjon BUSHI

Operator i Shpërndarjes “ADVAN TECH SHPK”

Platforma: IPTV

Prishtinë



**V E N D I M**

për licencimin e Operatorit të Shpërndarjes, “ADVAN TECH SHPK”, sipas platformës IPTV,  
me seli në Prishtinë

**Faktet**

1. Komisioni i Pavarur për Media (KPM), në bazë të nenit 3, paragrafi 2.6. të ligjit për KPM (Ligji nr. 04/L-44), nxjerr akte nënligjore për rregullimin e transmetimit dhe të shërbimeve mediale audio-vizuale, të cilat nevojiten për të kryer funksionet e saj, në pajtim me standardet ndërkombëtare.
2. Rregullorja për Shpërndarjen e Ofruesve të Shërbimeve Mediale Audio dhe Audiovizuale (Rregullorja KPM-2016/01) përcakton rregullat dhe procedurat për shpërndarjen e ofruesve të shërbimeve mediale nga ana e operatorëve, pavarësisht nga teknologjia e përdorur.
3. Kandidati “ADVAN TECH SHPK” ka aplikuar për licencë të KPM-së, për operatorë të shpërndarjes sipas platformës IPTV, më datën 8 maj 2020.

**Arsyetim**

4. Ligji Nr. 04/L-44 për Komision i Pavarur për Media, përcakton se KPM është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit si dhe rregullon të drejtat, detyrimet dhe përgjegjësit e personave fizik dhe juridik të cilët ofrojnë shërbime mediale audio-vizuale.
5. Neni 21, paragrafi 1 i Ligjit të KPM-së përcakton se: “*për të ushtruar transmetim në Kosovë sipas kushteve të këtij ligji kërkohet licenca për transmetim, të cilën e lëshon KPM-ja*”.

6. Komisioni, i ka ofruar kandidatit për licencë për operator të shpërndarjes “ADVAN TECH SHPK” të gjitha aktet nënligjore për aplikim për licencë si: Rregullorja për Shpërndarjen e Ofruesve të Shërbimeve Mediale Audio dhe Audiovizuale (Rregullorja KPM-2016/01), Rregullorja për Tarifën Vjetore për Licencë dhe Formën për aplikim për licencë të KPM-së, për operator të shpërndarjes.
7. Komisioni vlerëson se kandidati “ADVAN TECH SHPK” ka paraqitur në aplikacionin e tij të gjitha të dhënat e nevojshme për licencë të KPM-së për operator të shpërndarjes në pajtueshmëri me Nenin 6 të Rregullores KPM-2016/01 dhe të shtojcës së kësaj rregullore, ku përcaktohen Procedurat, Kushtet dhe Kriteret për Licencim.
8. Me Rregulloren KPM-2016/01 nuk përcaktohet numri i kanaleve se sa duhet të përmbajë lista e pakos programore për një operator të shpërndarjes. Prandaj, Zyra Ekzekutive e KPM-se vlerëson se, një operator i shpërndarjes mund të licencohet edhe me një numër minimal të programeve të përcaktuara me nenin 9 dhe 10 të Rregullores KPM-2016/01, ndërsa, kandidati “ADVAN TECH SHPK” ka dorëzuar një listë prej 26 kanaleve, si pjesë e katalogut programor.
9. Kandidati “ADVAN TECH SHPK” për operator të shpërndarjes sipas platformës IPTV, përveç ofruesve të shërbimeve programore të licencuara nga KPM, të përcaktuara me nenin 9 dhe 10 të Rregullores KPM-2016/01, do të ketë të drejtë të bartë në katalogun e tij programor vetëm kanalet televizive për të cilat posedon marrëveshje mbi të drejtën e autorit.
10. Pas pajisjes me licencë të KPM-së, kandidati për operator të shpërndarjes “ADVAN TECH SHPK” mund të sigurojë marrëveshje shtesë për bartjen e programeve në platformën IPTV, dhe mund të zgjerojë katalogun e programeve në të ardhmen. Kandidati “ADVAN TECH SHPK” obligohet t’i ofrojë KPM-së të gjitha marrëveshjet e reja për zgjerim të listës programore, sapo t’i ketë siguruar ato.
11. Komisioni vlerëson se, kandidati “ADVAN TECH SHPK” ka dorëzuar aplikacionin e tij në pajtueshmëri me kriteret e përcaktuara me Rregulloren KPM-2016/01 si dhe me Rregulloren e KPM-së KPM-2017/06, për t’u pajisur me licencë të KPM-së për një afat prej dhjetë (10) vitesh, me mundësi të ripërtëritjes.
12. Komisioni vlerëson se, kandidati për operator kabllor “ADVAN TECH SHPK” ka përmbushur kriteret për kualifikim për t’u pajisur me licencë të KPM-së.

### Vendim

13. Komisioni, në takimin e tij të mbajtur më datën 30 tetor 2020, merr vendim që, kandidatit “ADVAN TECH SHPK” i cili planifikon të operojë në tërë territorin e Republikës së Kosovës, t’i lëshojë licencën e KPM-së për operator të shpërndarjes sipas platformës IPTV, për të ofruar shërbime të programeve në pajtim me katalogun e ofruar programor sipas marrëveshjeve për të drejtat autoriale të atyre shërbimeve mediale audiovizuale.

14. Kandidati “ADVAN TECH SHPK” mund të fillojë veprimtarin si operatori i shpërndarjes së ofruesve të shërbimeve mediale audio dhe audiovizuale (OSHMA) vetëm pas nënshkrimit të Pakos së Licencës të KPM-së.

15. Këtë vendim e lëshon Komisioni, dhe i njëjti hyn në fuqi që nga data e nënshkrimit.

  
Xhevat LATIFI  
Kryetar  
Komisioni i Pavarur i Mediave



03. 11. 2020  
datë